



# ՄՈՒՐԲ ՅԱԿՈՐ ԱՌԱՋՆՈՐԴԱՆԻՍ ՄԱՅՐ Մ ԿԵՂԵՅԻ

**ԴԱՏԱԽՈՐԻ ԿԻՐԱԿԻ**  
**30 ՄԱՐՏ 2025**

Կիրակնօրեայ Ընթերցումներ	Էջ 1-3
Ողորմութեան Կանչ Մը (Շար. 38)	Էջ 4
Ծանուցումներ	Էջ 4-8

## ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳԻՐՔԷՆ (65.8-25)

**Տ**էրը այսպէս կ'ըսէ. - «Այնպէս ինչպէս երբ ողկոյզին վրայ խաղողի ճիւղ մը մնացած ըլլայ՝ կ'ըսեն. «Մի՛ նետեր ողկոյզը, որովհետեւ անոր վրայ Տիրոջ օրհնութիւնը կայ», այնպէս ալ ես իմ ծառայիս սիրոյն պիտի խնայեմ եւ կորուստի պիտի չմատնեմ բոլորը: Յակոբի որդի Յուդայէն սերունդ մը պիտի հանեմ, որ իմ սուրբ լեռս պիտի ժառանգէ. իմ ընտրեալներս զայն պիտի ժառանգեն եւ իմ ծառաներս այնտեղ պիտի բնակին: Զիս փնտռող ժողովուրդիս համար Սարոնը հօտերու արօտավայր պիտի ըլլայ եւ Աքորի ձորը՝ նախիրներու հանգստավայր: Իսկ ձեզ որ զիս թողուցիք, իմ սուրբ լեռս մոռցաք, բախտի կուռքին սեղան կանգնեցիք եւ ճակատագրի չաստուծոյն գինի ընծայեցիք, ձեզ սուրի պիտի մատնեմ եւ բոլորդ պիտի կոտորուիք, որովհետեւ կանչեցի ձեզ եւ չլսեցիք, խօսեցայ եւ մտիկ չըրիք. ըրիք այն ինչ որ չար է իմ աչքիս, ընտրեցիք այն ինչ որ կամքիս հակառակ է»:

Ուստի այսպէս կ'ըսէ Տէրը.-

«Ահա ահա սիկ, ինծի ծառայողները պիտի կշտանան, մինչ դուք անօթի պիտի մնաք. ինծի ծառայողները պիտի յագեանան, մինչ դուք ծարաւ պիտի մնաք. ինծի ծառայողները պիտի ուրախանան, մինչ դուք ամօթով պիտի մնաք. ինծի ծառայողները սրտի ուրախութեամբ պիտի ցնծան, իսկ դուք ձեր սրտին ցաւէն պիտի աղաղակէք, անյոյս հոգիով պիտի ողբաք,

որովհետեւ իմ ընտրեալներս նգովքի տեղ ձեր անունը պիտի գործածեն, եւ ես՝ Տէրս ձեզ մահուան պիտի մատնեմ: Մինչդեռ իմ ծառաներուս պիտի տամ նոր անուն մը, որպէսզի երկրի վրայ այդ անունը օրհնողը ճշմարիտ Աստուծոյ վրայ երգուած ըլլայ: Արդարեւ, իմ ընտրեալներս պիտի մոռնան իրենց կրած նեղութիւնները, եւ ա՛լ երբեք պիտի չյիշեն զանոնք: Որովհետեւ ահա ես նոր երկինք եւ նոր երկիր պիտի ստեղծեմ. ա՛լ պիտի չյիշեն նախկինները, բնաւ պիտի չմտաբերեն զանոնք: Իմ նոր ստեղծագործութեան մէջ անոնք միայն ցնծութիւն եւ ուրախութիւն պիտի գտնեն, որովհետեւ ահա ես Երուսաղէմը ցնծութեան վայր պիտի դարձընեմ եւ պիտի ուրախացնեմ իմ ժողովուրդս: Եւ ես պիտի ցնծամ Երուսաղէմի համար, պիտի ուրախանամ իմ ժողովուրդիս համար: Այնտեղ բնաւ լացի եւ ողբի ձայն պիտի չլսուի: Այնտեղ անժամանակ մահեր տեղի պիտի չունենան, պիտի չգտնուի ձեր մը որ իր օրերը ապրած չըլլայ. հարիւր տարեկան եղողը երիտասարդ տղայ պիտի նկատուի, իսկ հարիւրամեայ մեռնողը մեղաւոր եւ անիծեալ պիտի համարուի: Իրենց շինած տուններուն մէջ իրե՛նք պիտի բնակին, իրենց տնկած այգիներուն պտուղը իրե՛նք պիտի վայելին. եւ ոչ թէ՛ իրենք շինեն ու թշնամիներ բնակին կամ իրենք տնկեն եւ ուրիշներ վայելին: Որովհետեւ կեանքի ծառին պէս անվախճան պիտի ըլլայ իմ ժողովուրդիս կեանքը. իմ ընտրեալներս երկա՛ր պիտի վայելեն իրենց ծանր աշխատանքին վաստակը: Այլեւս զուր տեղ պիտի չաշխատին ու դժբախտ զաւակներ պիտի չծնին, որովհետեւ Աստուծոյ օրհնուած սերունդ մը պիտի ըլլան թէ՛ իրենք եւ թէ՛ իրենց զաւակները: Տակաւին իրենք չկանչած՝ պիտի լսեմ զիրենք. դեռ իրենց աղօթքը չաւարտած՝ պիտի հարցնեմ. «Ի՞նչ կ'ուզէք»: Այն ատեն գայլն ու գառը միասին պիտի ճարակին. առիւծը եզան պէս յարդ պիտի ուտէ եւ օձը հողով

պիտի սնանի. ոեւէ մէկուն պիտի չդպչին եւ պիտի չվնասեն իմ սուրբ լեռանս վրայ»,- կ'ըսէ Տէրը:

**ԸՆԹԵՐՑՈՒՄ**  
**ՊՕՂՈՍ ԱՌԱՔԵԱԼԻ ՓԻԼԻՊՊԵՑԻՆԵՐՈՒՆ**  
**ԳՐԱԾ ՆԱՄԱԿԷՆ**  
**(3.1-4.9)**

**Հ**ետեւաբար, եղբայրներս, Տիրոջմով ուրախացէք: Նոյն բաները գրելը ինծի համար ձանձրոյթ չէ, բայց ձեզ ճշմարտութեան մէջ կը հաստատէ:

Զգուշացէք այն մարդոցմէ, այն շուններէն, որոնք չարիք կը սերմանեն՝ ստիպելով որ թլփատուիք: Իսկական թլփատուածները մենք ենք, որովհետեւ Աստուծոյ Հոգիով լեցուած պաշտամունք կը կատարենք եւ Քրիստոս Յիսուսի միացած ըլլալով միայն կը պարծենանք, եւ ոչ թէ Օրէնքի գործադրութեամբ կամ Աբրահամի մարմնաւոր զաւակը ըլլալով: Եթէ ատոնք բաւարար ըլլալին փրկուելու համար, ինծի ոչինչ պիտի պակսէր. եւ եթէ ոեւէ մէկը կը կարծէ թէ մարմնական այդ կապին կրնայ վստահիլ, ես աւելիով կրնամ, քանի ութօրեայ թլփատուած իսրայէլացի մըն եմ, Բենիամինի ցեղէն, գտարիւն եբրայեցի եւ օրինապահ փարիսեցի: Այնքան նախանձախնդիր էի, որ Քրիստոսի եկեղեցին կը հալածէի. եւ արդար էի այնքան՝ որքան օրէնքի անթերի գործադրութիւնը կրնար տալ: Սակայն այս բոլորը, որ ժամանակ մը առաւելութիւն կը սեպէի, հիմա վնաս կը համարեմ՝ Քրիստոսի սիրոյն համար: Եւ իրաւ, ամէն ինչ վնաս կը համարեմ՝ համեմատած այն գերազանց շահին հետ, որ մեր Տէրը՝ Յիսուս Քրիստոսը ճանչնալն է: Այդ գիտութիւնը ունենալու համար ամէն ինչ թողուցի, ոչնչութիւն սեպելով, որպէսզի Քրիստոսը շահիմ, եւ կատարելապէս անոր միանամ: Այնպէս որ, իմ արդարութիւնս այլեւս օրէնքի գործադրութենէն չի գար, այլ Քրիստոսի հանդէպ ունեցած հաւատքէս, եւ այդ արդարութիւնը Աստուծմէ եկած արդարութիւնն է՝ հիմնուած հաւատքի վրայ: Հիմա միակ փափաքս է ճանչնալ Քրիստոսը, անոր յարութեան զօրութիւնը, եւ անոր չարչարանքներուն մասնակից դառնալ՝ անոր մահուան օրինակը իմ վրաս առնելով, որպէսզի ես ալ արժանի ըլլամ մեռելներէն յարութիւն առնելու:

Չեմ ըսեր, թէ արդէն յաջողած եւ կատարելութեան

հասած եմ, բայց հասնելու կը ձգտիմ, որովհետեւ ճիշդ ատոր համար Քրիստոս Յիսուս զիս պահեց: Եղբայրներ, ինքզինքս դեռ կատարելութեան հասած չեմ համարեր. բայց կ'աշխատիմ անցեալը մոռնալ եւ գալիքին նայիլ, եւ ուշադիր կերպով կը վագեմ դէպի նպատակակէտը, որպէս մրցանակ ստանալու համար յաւիտենական կեանքը, որուն կը հրաւիրէ մեզ Աստուած, Քրիստոս Յիսուսով:

Արդ, դուք բոլորդ որ կատարեալ էք՝ նոյն ձեւով խորհեցէք: Իսկ եթէ որոշ կէտերու շուրջ տարբեր կը խորհիք, Աստուած ինք ձեզ պիտի լուսաբանէ: Ամէն պարագայի, միասնաբար քալենք այն կանոններով, որոնցմով ընթացանք մինչեւ հիմա:

Եղբայրներ, ինծի նմանեցէք, եւ հետեւեցէք անոնց՝ որոնք ձեզի տուած մեր օրինակով կ'ընթանան: Որովհետեւ, ինչպէս յաճախ կ'ըսէի եւ հիմա եւս լալով կ'ըսեմ, մեր մէջ կան շատեր որոնց կեանքը թշնամանք է Քրիստոսի խաչին: Անոնց վերջը կորուստ է, որովհետեւ իրենց աստուածը իրենց փորն է. ամօթալի բաներով կը հպարտանան եւ միայն երկրաւոր բաներու մասին կը խորհին: Մենք, սակայն, երկիրքի քաղաքացիներ ենք եւ հոնկէ կը սպասենք որ գայ մեր փրկիչը՝ Յիսուս Քրիստոս, որ մեր մահկանացու մարմինները պիտի կերպարանափոխէ եւ իր մարմնին պէս փառաւոր դարձնէ իր զօրութեամբը, որով կրնայ ամէն ինչ իր իշխանութեանը ենթարկել: Ուստի, սիրելի եւ կարօտալի եղբայրներ, դուք որ իմ ուրախութիւնս էք եւ պսակս, այսպէս ամբօրէն Տիրոջ միացած մնացէք, սիրելիներս:

Եւոգիային եւ Սիւնտիքին կ'աղաչեմ եւ կը թելադրեմ որ իրարու հետ հաշտուին, քանի Տիրոջ միացած են: Դուն ալ, ո՛վ հաւատարիմ գործակիցս, կը խնդրեմ որ օգնես այս երկու կիներուն, որովհետեւ ինծի հետ պայքարեցան Աւետարանի տարածման համար, Կղեմէսի եւ միւս գործակիցներու հետ միասին, որոնց անունները Կեանքի Գիրքին մէջ արձանագրուած են:

Միշտ ուրախ եղէք Աստուծմով. դարձեալ կ'ըսեմ՝ ուրախ եղէք: Բոլորին հանդէպ հեզ եւ ազնիւ եղէք: Շուտով Տէրը կու գայ: Որեւէ բան թող չմտահոգէ ձեզ. այլ միշտ ձեր աղօթքներուն եւ աղաչանքներուն մէջ գոհունակ սրտով Աստուծմէ խնդրեցէք ինչ բանի որ կարիքը կը զգաք, եւ այն ատեն Աստուծոյ խաղաղութիւնը, որ միտքով կարելի չէ հասկնալ, խաղաղ պիտի պահէ ձեր սիրտերն ու միտքերը, որոնք Քրիստոս



Յիսուսի միացած են:

Ի վերջոյ, եղբայրներ, խորհեցէք այն բաները որոնք ճշմարիտ են, պարկեշտ, արդար, մաքուր, սիրելի, բարեհամբաւ, առաքինի եւ գովելի: Եւ գործքով կատարեցէք այն ինչ որ ինձմէ սորվեցաք եւ ընդունեցիք, ինձմէ լսեցիք եւ իմ վրաս տեսաք. եւ Աստուած, որ խաղաղութիւնը կու տայ, ձեզի հետ պիտի ըլլայ:

**ՅԻՍՈՒՍ ԳՐԻՍՏՈՍԻ ԱԻԵՏԱՐԱՆԷՆ  
ԸՍՏ ՂՈՒԿԱՍԻ  
(17.20-18.14)**

**Փ**արիսեցիներ հարցուցին Յիսուսի թէ ե՛րբ պիտի գայ Աստուծոյ արքայութիւնը: Ան պատասխանեց. «Աստուծոյ Արքայութիւնը արտաքնապէս տեսանելի նշաններով պիտի չգայ. կամ պիտի չըսեն թէ “հոս է կամ հոն”, որովհետեւ ահա Աստուծոյ արքայութիւնը ձեր միջեւ կը գտնուի»:

Ապա իր աշակերտներուն ըսաւ. «Ժամանակ պիտի գայ, երբ դուք պիտի ցանկաք մարդու Որդիին այս օրերէն մէկը տեսնել, բայց պիտի չտեսնէք: Եւ եթէ ձեզի ըսեն “ահա հոս է կամ հոն”, մտիկ մի՛ ընէք, մի՛ հետեւիք անոնց: Որովհետեւ ինչպէս որ կայծակը փայլատակելով կը լուսաւորէ երկնակամարին մէկ կողմէն միւսը, նոյնպէս պիտի ըլլայ մարդու Որդին իր գալստեան օրը: Սակայն նախ պէտք է որ ան շատ չարչարանքներ կրէ եւ մերժուի այս սերունդէն: Ինչպէս որ Նոյի ժամանակ Աստուծոյ պատիժը յանկարծակի վրայ հասաւ, նոյնպէս պիտի պատահի մարդու Որդիին օրերուն ալ: Անոնք ալ կ'ուտէին, կը խմէին, այր կամ կին կ'առնէին, մինչեւ այն օրը, երբ Նոյ տապան մտաւ, եւ ջրհեղեղը բնաջնջեց զանոնք: Կամ ինչպէս Ղովտի օրերուն պատահեցաւ. կ'ուտէին, կը խմէին, կը գնէին, կը ծախէին, կը տնկէին եւ կը շինէին. բայց այն օրը երբ Ղովտ Սողոմը ձգեց, երկիրքէն կրակ եւ ձոնաբ տեղաց եւ սպաննեց բոլորը: Նոյնը պիտի պատահի այն օրը երբ մարդու Որդին յայտնուի:

«Այդ օրը, ան որ տանիք ելած է՝ թող վար չիջնէ տան մէջ գտնուող իր գոյքերը առնելու համար: Նոյնպէս, ան որ դաշտին մէջ է՝ թող չվերադառնայ տուն ձգածները առնելու համար: Յիշեցէք Ղովտի կնոջ պարագան: Ով որ կը ջանայ իր անձը փրկել՝ պիտի կորսնցնէ զայն, եւ ով որ կորսնցնէ իր անձը՝

պիտի փրկէ զայն: Կ'ըսեմ ձեզի, այդ գիշեր եթէ մէկ անկողնի մէջ երկու հոգի ըլլան, անոնցմէ մէկը պիտի առնուի եւ միւսը ձգուի»: Աշակերտները հարցուցին Յիսուսի. «Տէ՛ր, ո՞րը պիտի պատահի ատիկա»: Ան պատասխանեց. «Արծիւները կը հաւաքուին հո՛ն ուր դիակ կայ»:

Յիսուս առակ մը խօսեցաւ իր աշակերտներուն, ցոյց տալու համար թէ պէտք է միշտ աղօթել՝ առանց վհատելու: Եւ ըսաւ. «Քաղաքի մը մէջ դատաւոր մը կար, որ ո՛չ Աստուծմէ կը վախնար եւ ոչ ալ մարդոցմէ կ'ամչնար: Նոյն քաղաքին մէջ այրի կին մըն ալ կար, որ իրեն կը դիմէր եւ կը խնդրէր. “Իրաւունքս պաշտպանէ հակառակորդէս”: Դատաւորը երկար ժամանակ մերժեց դատը տեսնել, սակայն ի վերջոյ ըսաւ ինքնիրեն, “Թէեւ Աստուծմէ չեմ վախնար եւ մարդոցմէ չեմ ամչնար, բայց քանի այս այրին նեղութիւն կու տայ ինձի, իր դատը տեսնեմ, որպէսզի մինչեւ վերջ քովս գալով զիս չանհանգստացնէ”»: Ապա Տէրը շարունակեց. «Լսեցէք թէ ի՛նչ կ'ըսէ անիրաւ դատաւորը: Իսկ Աստուած որքա՞ն պիտի համբերէ իր ընտրեալներուն կրած անիրաւութեան, պիտի չպաշտպանէ՞ զանոնք, որոնք գիշեր ու ցերեկ իրեն կը դիմեն: Այո՛, կ'ըսեմ ձեզի որ անոնց իրաւունքը անմիջապէս պիտի պաշտպանէ: Բայց մարդու Որդին երբ գայ, արդեօք հաւատք պիտի գտնէ՞ երկրի վրայ»:

Այս առակն ալ պատմեց անոնց, որոնք կը պարծենային թէ արդար են եւ ուրիշները կ'արհամարհէին: «Երկու հոգիներ տաճար գացին աղօթելու. մէկը՝ փարիսեցի, միւսը՝ մաքսաւոր: Փարիսեցին մէկ կողմ կեցած, առանձին կ'աղօթէր. “Աստուած իմ, շնորհակալ եմ քեզմէ՝ որ ուրիշ մարդոց նման յափշտակող, անիրաւ, շնացող չեմ, կամ այս մաքսաւորին պէս ալ չեմ: Այլ շաբաթը երկու անգամ ծոմ կը պահեմ եւ իմ եկամուտիս տասանորդը տաճարին կու տամ”: Իսկ մաքսաւորը մէկ կողմ կեցած, աչքերը առանց վեր բարձրացնելու կուրծքը կը ծեծէր եւ կ'ըսէր. “Աստուած, ներէ մեղաւորիս մեղքերը”: Կ'ըսեմ ձեզի, - եզրակացուց Յիսուս, - ո՛չ թէ փարիսեցին, այլ մաքսաւորը արդարացած գնաց տուն. որովհետեւ ով որ իր անձը կը բարձրացնէ՝ պիտի խոնարհի, եւ ով որ իր անձը կը խոնարհեցնէ՝ պիտի բարձրանայ»:



## ՈՂՈՐՄՈՒԹԵԱՆ ԿԱՆՉ ՄԸ Աղօթքներ ձեռնարկ

Հեղինակ՝ ՀԷՆՐԻ ՆՈՒԸՆ

Թարգմանողներն՝ ԿԱՐՕ ՍՐԿ. ՆՈՒՆՈՒՏԵԱՆԻ

### ԼՈՅՍԴ

Քաղցր Տէր, ազատագրէ զիս մութ անցեալէս, որուն մէջ իյնալ կը զգամ յաճախ՝ կարծես խորունկ ջրամբար մը ըլլար: Դուն լոյսն ես, որ այս աշխարհ եկար, որպէսզի ան որ քեզի հաւատայ՝ պէտք չունենայ

այլեւս մութին մէջ մնալու: Թոյլ մի՛ տար որ վերընկղմիմ մութ գուրիս մէջ, ով Տէր, այլ տուր որ քու տաքուկ, հեզ, կենսատու լոյսը բարձրացնէ զիս գերեզմանէս: Վինսընթ Վան Կոկը, երբ Ղազարոսի յարութիւնը ներկայացուց, նկարեց քեզ որպէս արեւը: Այսպիսով՝ ուզեց արտայայտել իր ազատագրումը մութ, բանտող անցեալէն:

Տէր, շարունակէ ինձի ցոյց տալ լոյսը, եւ ուժը տուր կանգնելու, ու առանց ետեւ նայելու՝ քեզի հետեւելու: Դուն ես Չօրութիւնս, Ապաստանս ու Ամրոցս: Այնքան ատեն որ աչքերս վրադ սեւեռած եմ, պատճառ չկայ վերադառնալու անցեալի դէպքերու, անցեալի կաղապարներու, անցեալի մտքերու: Լոյսիդ մէջ ամէն ինչ կը նորոգուի: Տուր որ ամբողջութեամբ քու կը ըլլամ: Ամէն:


(Շար. 38)

**Ս. Յակոբ Առաջնորդանիստ  
Մայր Եկեղեցւոյ մէջ  
ՆԵՐԿԱՅԱՅՈՒՄ  
Չարեհ Արք. Ավանդորեանի  
«ՅԱՍԿՆԱՆՔ ՄԵՐ ՊԱՏԱՐԱԳԸ»  
Գրքոյկին**

Շարաք, 5 Ապրիլ 2025,  
երեկոյեան ժամը 6.00

Յետ ներկայացման՝  
իւրաքանչիւր ներկայի  
գրքոյկէն օրինակ մը նուէր պիտի տրուի  
Նուիրատուն՝  
պրն. Յակոբ Իսփէնճեան

Կը ներկայացնեն  
Ս. Յակոբ Կիրակնօրեայ դպրոցի  
ուսուցիչներ՝  
Յարութ Չուլճեան  
եւ Գրիգոր Պէրերեան



**ՅԱՍԿՆԱՆՔ  
ՄԵՐ ՊԱՏԱՐԱԳԸ**

ՍՈՒՐՔ ՊԱՏԱՐԱԳԻ ԶԱՐԳԱՑՈՒՄԸ,  
ԿԱՌՈՅՑԸ, ԲՈՎԱՆՆԱԿՈՒԹՅՈՒՆԸ

**ԶԱՐԵՆ ԱՐՔ. ԱԶՆԱՒՈՐԵԱՆ**

ՍԵՓԻԼԻԱՍ  
2019

## **ԶԱՏԿՈՒԱՅ ԻՒՌԱԳԻՆ**

Ս. ՅԱՐՈՒԹԵԱՆ ՏՕՒՐՆ ԱՌԹԻ,  
ՎԱՏԱՀ ԵՆՔ,  
ՈՐ ԱԵՐ ԲԱՐԵՊԱՇՏ ԺՈՂՈՎՈՐԴՆ  
ՊԻՏԻ ՉԱՌՈՆԱՂ  
ԿԱՏԱՐԵԼՈՒ ԻԲՂԱԳԻՆՆԻ ԻՐ ԱՐՏԱՔՈՒՄ  
ԱՌԻՐԱՏՈՒԹՅՈՒՆԸ:

## **ՀԻՄՆԱԴԱԵՐՈՒՄ ԱՅԵԼՈՒԹՅՈՒՆ**

Բարեհաճեցէք հեռաձայնել  
Արժ. Տ. Գառնիկ  
Աւ. Քինյ. Գոյունեանի.  
514 909 5203 թիփն:

## **ՏՆՕՐՀՆԷՔ**

Տնօրհնէք փափաքող ընտանիքները,  
թող բարեհաճին դիմել  
Տ. Գառնիկ Աւ. Քինյ. Գոյունեանի,  
հեռաձայնելով  
514 909 5203 թիփն:

## **ՀՈԳԵՀԱՆԳԱՏԵԱՆ**

Ձեր արձանագրութիւնները  
նախօրօք կատարե՛՛ք կա՞րողելով  
ԵԿԵՂԵՇՈՂ ԳՐԱՍԵՆՆԵԱԿ:

ԱՅԵԼԵՇԷ՛Ք  
ԵԿԵՂԵՇՈՂՍ  
ԴԻՄԱՏԵՏՐԻ ԷՐՆ  
ԵՒ

ՁԵՐ ՀԱՔԱՆՈՒԹՅՈՒՆՆ ԵՂՅՏԵՇԷՔ (like).

[www.facebook.com/  
SourpHagopChurchMontreal](http://www.facebook.com/SourpHagopChurchMontreal)

ԱՅԵԼԵՇԷ՛Ք Ա  
ԵՒ

Ս. ՅԱԿՈՒ ԱՌԱԶՆՈՐԴԱՆԻՍ  
ՄԱՅՐ ԵԿԵՂԵՇՈՂ ԿԱՂԵՉՈ՛՝  
[www.sourphagop.net](http://www.sourphagop.net)

**ԹԵՐԹԻԿԻ ԱՆՆՈՐԴ ԹԻԷՐՆ**

ԿՐՆԱՔ ԳՏՆԵԼ

**[www.sourphagop.net](http://www.sourphagop.net)**

ԿԱՂԵՉԻՆ ՎՐԱՂ

**ԹԵՐԹԻԿԻ ԱՆՆՈՐԴ ԹԻԷՐՆ**

ԿՐՆԱՔ ԳՏՆԵԼ

**[www.sourphagop.net](http://www.sourphagop.net)**

ԿԱՂԵՉԻՆ ՎՐԱՂ





ՄՈՒՐԱ ՅԱԿՈՐ  
Առաքելորդաբնոս Մայր Եկեղեցի



## ՓՈՔՐԵՐՈՒ ԾԱՂԿԱԶԱՐԴԻ ՀԱՒԱՔՈՅԹ

Շաբաթ, 12 Ապրիլ 2025

կ.ե. ժամը 3.30-6.00

Մոնթրեալի Հայ Կեդրոնն ենթո

1-12 ՏԱՐԵԿԱՆ

ՓՈՔՐԵՐՈՒ ՀԱՄԱՐ



Ձրի տոմսերը ապահովել եւ ստանալ մինչեւ Ապրիլ 5, կամ մինչեւ տոմսերու սպառումը, հեռաձայնելով եկեղեցու գրասենեակ՝ 514 331-5445 x202, կամ ամբողջացնել առցանց հարցարանը գործածելով վերեւի QR code-ը

Ծաղկազարդի յատուկ յայտագիր

Ձեռային աշխատանք եւ խաղեր

Հանձնախաղ



ÉGLISE ARMÉNIENNE  
SOURP HAGOP



## Fête pour enfants

à l'occasion de la fête des Rameaux- Dzaghgazart

Samedi le 12 avril 2025,

de 15 h 30 à 18 h 00

Centre communautaire arménien  
de Montréal

Pour enfants

de 1 à 12 ans



Entrée gratuite

Réserver et obtenir vos billets jusqu'au 5 avril ou jusqu'à épuisement, en contactant le secrétariat de l'église au 514 331-5445 poste 202 ou en remplissant le formulaire en ligne, utilisant le code QR ci-dessus.

Programme spécial pour la fête des Rameaux

Bricolages et Jeux

Batailles d'œufs



## ՍՈՒՐԲ ՅԱԿՈՐ ԱՌԱՋՆՈՐԴԱՆԻՍ ՄԱՅՐ ԵԿԵՂԵՑԻ

Կիրակի, 20 Ապրիլ 2025, յետ միջօրեի ժամը 2:00  
Մոնթրեալի Հայ Կեդրոն

# ԶԱՏԿՈՒԱՅ ՃԱՇԿԵՐՈՅԹ

Տեղեր ապահովելու համար  
հաճեցեք հեռաձայնել  
Լէօն Արապեանին՝ 514-713-5366  
Մուտքի սակ՝ 60\$  
5 -12 տարիքի փոքրերու 35\$





## ՄԵԾ ՊԱՅՈՑ ԼՍԱՐԱՆ ՅԵՏ ՀՍԿՈՒՄԻ ԺԱՄԵՐԳՈՒԹԻՒՆՆԵՐՈՒՆ

Սկիզբ ժամերգություններուն՝ երեկոյեան ժամը 7.00

**5**

Չորեքշաբթի, 2 Ապրիլ,  
յետ Հսկումի ժամերգութեան  
Ս. Հոգին «որ խօսեցաւ յօրէնս  
եւ ի մարգարես եւ յաւետարանս...»  
եւ աղօթքը կը խորհրդածէ  
Բրշ. Կարօ սրկ. Նոխուտեան

**6**

Չորեքշաբթի, 9 Ապրիլ,  
յետ Հսկումի ժամերգութեան  
«Հաւատամք...ի մի Մկրտութիւն»ը  
եւ մանուկներու Մկրտութեան մասին  
կը խորհրդածէ հովիւը՝  
Արժ. Տ. Գառնիկ ԱԼ Քինյ. Գոյունեան

## ԱՐԵՒԱԳԱԼԻ ԺԱՄԵՐԳՈՒԹԻՒՆՆԵՐ

*Մեծ Պատեհոց Հինգշաբթի Օրերուն  
(3, 10 Ապրիլ)*

Սկիզբ ժամերգություններուն՝  
ժամը 11.00-ին

Ապա

Խորհրդածություններ

Նիւթ՝

**«Տիրոջմէ Յիշուիլ, Յիշել Տերը»**